

आकाशवाणी

खबरां श्रूति खजूरिया कोला

पैहले खास-खास खबरां:-

1. प्रधानमंत्री नरेन्द्र मोदी होर अज्ज केरलम ते तमिलनाडू च ज्हार करोड़ रपे 16 दी परियोजनाएं दी शुरुआत करगंन।
2. लोकसभा च अध्यक्ष ओम बिरला होरें गी ओहदे थमां हटाने बारे प्रस्ताव पर चर्चा अज्ज परतियै शुरु होग।
3. पच्छिम एशिया संघर्ष दे दुए हफते च पुजने दे मगरा होर्मुज जल डमरु मध्य राएं कारोबारी ज्हाजें दी आवा-जाई ठप्प होई गई ऐ। । लगभग 150 टैंकर जल डमरु मध्य दे बाहर खुल्ले समुन्द्र च लंगर पाइयै खड़ोते दे न, ते व्यापक GPS जैमिंग राएं खतरा बदी गोआ ऐ।
4. विदेश मंत्री एस. जयशंकर होरें ईरान दे विदेश मंत्री हुंदे कन्नै पच्छिम एशिया संघर्ष बारे व्यापक गल्लबात कीती।
5. ते FIH महिला हॉकी विश्व कप 2026 दे Qualifier मैच च भारत दा मुकाबला वेल्स कन्नै हैदराबाद च होग।

<><><><><><>

ते हून खबरा विस्तार कन्नै:-

<><><><><><>

PM-Visits

प्रधानमंत्री नरेन्द्र मोदी होर अज्ज केरल ते तमिनाडू दे दौरे पर होगंन ते 16 जहार करोड़ रपे दी परियोजनाएं दी शुरुआत करगंन। केरल च ओह दिने डेढ़ बजे अरनाकुलम च 10 जहार 800 करोड़ रपे दी लागत आहलियें बक्ख-बक्ख परियोजनाएं चा किश दा उदघाटन करगंन- केइयें दा नीह पत्थर रखगंन ते किश गी राष्ट्र दे नमित करगंन। एहदे इलावा किश परियोजनाएं गी ओह झंडी दस्सियें उन्दी शुरुआत बी करगंन। एहदे मगरा उन्दा समारोह गी सम्बोधित करने दा बी कार्यक्रम ऐ। मगरा तमिलनाडू च प्रधानमंत्री मोदी होर 5 जहार 650 करोड़ रपें दियें बक्ख-बक्ख परियोजनाएं दा नीह पत्थर ते उदघाटन करगंन। प्रधानमंत्री होर केई सारी रेल सेवाएं दी शुरुआत करगंन ते इक जनसभा गी बी सम्बोधित करगंन।



LS Speaker –Resolution

लोकसभा च अध्यक्ष ओम बिरला होरें गी औहदे थमां हटाने बारै चर्चा कल लोकसभा च शुरु होई। एह चर्चा अज्ज परतियें शुरु होग। दपैहरी 12 बजे पैहले स्थगन मगरा कार्रवाई शुरु होने पर कांग्रेस सांसद डॉ .मोहम्मद जावेद होरें एह प्रस्ताव पेश कीता। उनें आखेआ जे अध्यक्ष होरें सदन च विपक्ष दे नेता सने होरनें विपक्षी नेताएं गी बोलन नेई दिता ते विपक्ष दी महिला सांसदें पर बेबुनियाद आरोप लाए। पीठासीन अधिकारी जगदंबिका पाल होरें सदस्यें गी जानकारी दिती जे प्रस्ताव पर चर्चा आस्ते 10 घंटे दा समां दिता गेआ। चर्चा दी

शुरूआत करदे होई कांग्रेस दे गौरव गोगोई होरें आखेआ जे सदन च विपक्ष दे नेता राहुल गांधी होरें गी राष्ट्रपति हुंदे अभिभाषण पर धन्नवाद प्रस्ताव पर उन्दे भाषण दरान अध्यक्ष होरें बारी-बारी बाधित कीता। उनें आखेआ जे अध्यक्ष होरें सदन दी कार्रवाई दरान पक्खपात आहला बवहार कीता। प्रस्ताव दा विरोध करदे होई संसदीय मामलें दे मंत्री किरण रिजिजू होरें आखेआ जे अध्यक्ष ओम बिरला होरें सदन दी कार्रवाई निरपक्ख तरीके राएं चलाई ऐ। तोंआई राज्यसभा च ग्रामीण विकास मंत्रालय दे कम्मकाज पर चर्चा अग्गे शुरु होग।

<><><><><><>

Hormuz Maritime Standdoff

पच्छम एशिया संघर्ष दे दुए हफते च पुजने दे मगरा होर्मुज जल डमरु मध्य राएं कारोबारी जहाजें दी आवा-जाई ठप्प होई गई ऐ। इस रस्ते पर पोत परिवहन च 80 फीसद थवां मती कमी आई ऐ। लगभग 150 टैंकर जल डमरु मध्य दे बाहर खुल्ले समुन्द्र च लंगर पाइयै खड़ोते दे न-जिन्दे च दस्सेया जा'रदा ऐ 16 अरब लीटर तेल होई सकदा ऐ ओह भरोचे दा ऐ। इस रस्ते कश 10 कारोबारी जहाजें पर गोले जां फही ड्रोन राएं हमलें दी खबर ऐ। फारस दी खाड़ी च व्यापक GPS जैमिंग राएं खतरा बदी गेआ ऐ।

<><><><><><>

Essential Commodities Act

पच्छम एशिया च मौजूदा स्थिति गी दिखदे होई सरकार नै तरजीह आहले क्षेत्रें आस्तै कुदरती गैस दे उत्पादन गी नियमित करने, आपूर्ति गी बनाई रखने,

समान दी बंड ते उपलब्धता यकीनी करने आस्तै जरूरी चीजें-बस्तें सरबंधी कन्नू 1955 गी लागू कीता ऐ। पेट्रोलियम ते कुदरती गैस मंत्रालय दी अधिसूचना मूजब घरेलू पाइपलाइन कुदरती गैस आपूर्ति परिवहन आस्ते सी.एन.जी, एल.पी.जी उत्पादन, पाइपलाइन कम्प्रेसर, ईंधन ते होर दुए जरूरी पाइपलाइन परिचालन आहले क्षेत्रें गी कुदरती गैस दी आपूर्ति गी तरजीह दिती गेई ऐ। अधिसूचना च आखेआ गेआ ऐ जे आपूर्ति गी पिछले 6 म्हीनें दी औसत गैस खपत दे 100 फीसद परिचालन उपलब्धता दे आधीन बनाई रखेआ जाहग।

<><><><><><>

Energy Shortage

सरकार नै भरोसा दोआया ऐ जे मुख्य च घरेलू उपभोक्तें आस्तै ईंधन दी कोई कमी नैई ऐ ते कुसै गी बी घबराने दी कोई लोड़ नैई ऐ। सरकार मुख्य दे घरेलू उपभोक्ताएं गी सस्ती ऊर्जा दी बिजन त्रों दे आपूर्ति यकीनी करने लेई वचनबद्ध ऐ। पेट्रोलियम ते कुदरती गैस मंत्री हरदीप सिंह पुरी होरें सोशल मीडिया पोस्ट च दस्सेआ जे भारत दा ऊर्जा आयात बक्ख-बक्ख स्रोतें ते रस्ते राएं लगातार जारी ऐ। तौंआई तेल कम्पनियें एल.पी.जी दा उत्पादन बदाई दिता ऐ।

<><><><><><>

LPG-Productions

मौजूदा भू-राजनीतिक तनाव कारण ईंधन दी सप्लाई पर पवा'रदे माड़े असर गी दिखदे होई पेट्रोलियम ते कुदरती गैस मंत्रालय नै तेल रिफाइनरियें गी एल.पी.जी

गल्लबाती कीती। सोशल मीडिया दी इक पोस्ट च डाक्टर जयशंकर होरें आखेआ जे अस सम्पर्क च रौहने पर सैहमत होए। पिच्छले म्हीने ईरान ते अमरीका- इजरायल दी सांझी फौजें बशकार संघर्ष शुरु होने दे बाद थमां एह उं'दी त्रीऽ टेलीफोन वार्ता ही। डाक्टर जयशंकर होरें अपने जर्मन जोड़ीदार जोहान वाडेफुल ते दक्खन कोरिया दे बदेश मंत्री चो हयून हुंदे नै बी गल्लबात कीती। उं'नें दस्सेया जे उन्दे कन्नै बड़ी खरी गल्लबात होई ऐ। उं'नें दपक्खी एजेंडे गी अग्गे बधाने ते पच्छम एशिया दे हालात पर चर्चा कीती। चो हयून होरें सोशल मीडिया पोस्ट च दस्सेया जे पच्छम एशिया दे हालात दा आलमी सुरक्षा ते अर्थबवस्था पर गैहरा असर पवा करदा ऐ। उं'नें आखेआ जे इस बरे दौनें पक्खें बशकार उच्च-स्तरी आदान प्रदान- दपक्खी सरबंधें गी नमें स्तर पर लेई जाहग। उं'नें आखेआ जे डाक्टर जयशंकर इस गल्लै पर सैहमत होए न जे दौनें पक्खें गी रणनीतिक -आर्थिक सहयोग बधाने लेई भविक्ख च किट्ठे रलियै कम्म करना लोइचदा ऐ।

<><><><><><>

DGCA

शैहरी हवाबाजी सरबंधी मंत्रालय नै आखेआ ऐ जे ओह पच्छम एशिया दियें घटनाएं ते भारत दे इस खिते बशकार ब्हाई जातरा पर एहदे असर दी बरीकी कन्नै निगरानी करा'रदा ऐ। मंत्रालय नै इक ब्यान च आखेआ ऐ जे- जातरी सुरक्षा ते सेवाएं गी बरोबर जारी रक्खने गी सबनें शा उप्पर मन्नदे होई ब्हाई कम्पनियां- बदलदे हालात दे मूजब उचित परिचालन बवस्था करा रदियां न।

मंत्रालय मूजब- जंदे सोमवार दे परिचालन आंकड़े मताबक भारती ब्हाई कम्पनियें आसेया पच्छम एशिया थमां 45 डुआरियां राहें 7 ज्हार 407 जातरी भारत पुज्जे न। मंत्रालय नै आखेआ ऐ जे DGCA बादू स्लॉट उपलब्ध कराने ते मस्कट ब्हाई अड्डे गी वैकल्पिक ब्हाई अड्डे दे तौर पर इस्तेमाल दी खुल्ल देने लेई सरबंधत अधिकारियें कन्नै सम्पर्क च ऐ। एह बवस्था दुबई- अबूधाबी- शारजाह- रस अल खैमाह- अल ऐन- फुजैश- जद्दाह ते मदीना सनें बक्ख- बक्ख थाहरें थमां औने-जाने आली डुआरियें पर लागू होग।

<><><><><><>

Cabinet Decision

केन्द्रयी मंत्रीमंडल नै जल जीवन मिशन गी दिसम्बर 2028 तगर बदाने गी मंजूरी देई दिती ऐ। सूचना ते प्रसारण मंत्री अश्विनी वैष्णव होरें नमीं दिल्ली च काबिना दे फैसले बारे मीडिया गी जानकारी दिती। उ'नें दस्सेया जे प्रधानमंत्री नरेन्द्र मोदी हुंदी अध्यक्षता च मंत्रीमंडल दी बैठक च जल शक्ति मंत्रालय दे इस प्रस्ताव गी मंजूरी दिती गेई ऐ। एदे तैहत जल जीवन मिशन दी अमलावरी गी बुनियादी ञांचे दे निर्माण थवां लेइयै सेवा दी उपलब्धता दे सतह तगर परतियें कायम कीता जाना ऐ। काबिना नै भारत च निवेश सरबंधी दिशा-निर्देश च बी बदलाव करने गी बी मंजूरी दिती ऐ तां'जे वैश्विक सतह थवां होर मता विदेशी निवेश स्टार्ट-अप ते Deep-Tech सैक्टरें च होई सकै। वैष्णव होरें एह जानकारी बी दिती जे तमिलनाडू दे Madurai हवाई अड्डें गी अंतराष्ट्रीय हवाई अड्डे दा दर्जा देने गी बी मंजूरी दिती ऐ।



DRDO Air Drop Container

रक्षा अनुसंधान ते विकास संगठन डी.आर.डी.ओ ते भारतीय नौसेना नै सांझे तौर पर गोवा तट कश स्वदेशी एयर ड्रॉपेबल कंटेनर ADC-150 दे सफल इन फलाइट रिलीज परीक्षण कीते न। एह अजमैश 21 फरवरी थमां पैहली मार्च 2026 दे बश्कार चरम रिलीज स्थितियें च कीते गए। इस एयर ड्रॉपेबल कंटेनर गी डेढ़ सौ किलोग्राम पेलोड पजाने आस्तै डिजाइन ते विकसित कीता गेआ ऐ। एह तट थवां दूर खुल्ले समुन्द्र च तैनात संकट ग्रस्त नौसैनिक जहाजें गी महत्वपूर्ण भंडर- उपकरण ते चिकित्सा सहायता प्रदान करने च नौसेना दी परिचालन रसद क्षमताएं गी बदाग। रक्षा मंत्रालय नै इक ब्यानै च दस्सेया जे भारतीय नौसेना दी जरूरतें गी पूरा करने आस्तै एह ADC-150 प्रणाली गी घट्ट समें च विकसित ते प्रमाणित कीता गया। सारे विकासात्मक उड़ान परीक्षण समफलतापूर्वक पूरे होई चुके दे न। इस प्रणाली गी तौले गै भारतीय नौसेना च शामिल कीते जाने दी मेद ऐ।



Delhi LG Oath

दिल्ली दे तरनजीत सिंह संघु अज्ज नमीं दिल्ली दे 23में उपराज्यपाल दे तौर पर संगंध लैडन। शपथ गृहण समारोह अज्ज नमीं दिल्ली दे लोक निवास च होग। दिल्ली हाई कोर्ट दे मुख्क न्यायधीश होर संघु होरें गी संगंध दोआडन।

संघु होर विनय कुमार सक्सेना हुंदी थाहर लैडन- जिनेंगी लद्दाख दा
उपराज्यपाल नियुक्त कीता गया ऐ।

